

平南縣志

平南縣志卷二十三

節孝

明

楊元輔妻梁氏舉人梁堅女幼讀孝經列女傳喜高潔早寡或欲奪其志素食毀容曰焚香禮佛卒不可奪年八十九祀

節孝祠

舊志

大同里婦

氏天順間泰將范信兵既入其里俘獲甚衆旗

牌官人給賊婦二拘繫室中夜半多自縊者又有兵驅一少

婦負小兒過嶺忽不行曰吾欲乳兒兵從之乘間投嶺下死

祀三人於節孝祠

舊志

趙某妻姚氏

通志誤載貴縣

寡居有節操崇禎二年巡按給匾旌之

913.734
1040
18

懸於東關今廢挹翠山有舊碑載其行祀節孝祠呂

蒙鉞妻梁氏避亂於鄉鉞爲賊殺無子氏年二十五收夫骸
葬之且得賊主名或勸之嫁氏曰吾夫死義當殉所不死者
夫仇未報伯姪骸骨未歸姪之子始三齡蒙氏祇此一綫耳
矢志撫孤與一老婢相依流離遷徙歲荒疫豺虎載道氏至
僻野躬負其伯姪骸骨歸葬之亂平訴賊於巡撫賊伏誅祀
節孝祠

諸生趙鳳妻姚氏年二十四鳳卒家貧無倚獨居一室紡績
自養足未嘗出戶親戚或憐而周之隔幃稱謝未嘗面也
知府王貞吉遺之粟帛匾其門曰節婦之門

按通志引文載之言疑即縣志所載趙某之婦事無

可考姑並存之

國朝

郭興科妻馮氏生前明嘉靖間迄康熙六年百有一歲孫三鑑三奇呈報本府給匾旌其閭

章金德妻賓氏年十九自母家歸途遇二惡少豔其色將犯之賓堅拒大罵遂遇害母家控其夫繫獄數月二惡少忽迷惘投案自輸其情寃始雪乾隆元年建坊祀節孝祠

廩生楊晟妻梁氏年二十一夫卒越三日舉遺腹子守節撫孤孝事孀姑乾隆四年建坊祀節孝祠

章茂基妻馮氏貢生時泰女年二十六夫卒守志孝事舅姑乾隆四年間建坊表之

平南縣志 卷三十三
諸生梁楸妻黃氏夫卒守節孝事舅姑乾隆四年建坊祀節
孝祠

諸生梁垣妻朱氏年二十四夫卒奉事舅姑孝謹備至或疑
其年少朱引針刺眇一目撫孤子輝成立守節終其身乾隆
六年建坊祀節孝祠

廩生郭上沛妻麥氏年二十六夫卒守節無子乾隆七年建
坊祀節孝祠

馮廷棟妻麥氏年二十六夫卒守節撫孤奉事孀姑孝謹乾
隆八年建坊表之

胡立琮妻黎氏年二十二夫卒舉遺腹子奇榮撫孤守節乾
隆十年建坊祀節孝祠

郭榛妻黃氏年二十二夫卒無子撫諸幼姪如己出守節閱四十五年乾隆十九年建坊表之

熊紹宗妻蒙氏年二十一夫卒無子撫族姪成林爲嗣有豪姓豔蒙求爲繼室氏怒拒曰我夫爲光祿卿裔予亦宦族女從一而終義也若再言速我死遂完節終其身乾隆十九年建坊表之

諸生甘文炳妻韋氏夫卒守節乾隆十九年建坊祀節孝祠蒙經妻莫氏年二十七夫卒守節事姑孝謹撫二子幌暉悉成立祀節孝祠

朱思源妻方氏年二十六夫卒守節家貧方以女紅易饌養翁與繼姑撫子邦秀諸生

楊四岳妻麥氏年二十八夫卒守節遺孤在抱一慟而絕火而甦事繼姑克盡孝養訓二子惺忪均成立祀節孝祠

章翊妻譚氏年二十二夫卒子甫週歲堅苦守志壽八十子茂遠爲諸生祀節孝祠

章眇妻胡氏年十九夫卒守節五十年如一轍家貧撫姪宏隸爲嗣祀節孝祠

章綸繡妻麥氏年二十九夫卒遺子瀾尙幼翁姑年邁麥善事之祀節孝祠

麥緒儒妻譚氏年二十二夫卒家貧姑郭氏老且病常忍饑以奉厯盡艱苦守節三十餘年遺孤子著

麥庭妻黃氏年十七嫁數月夫卒誓不他適以姪光世爲嗣

事孀姑馮氏克盡婦道祀節孝祠

李某妻麥氏貢生宜晉女李卒遺孤秀英尋天貧無所倚有富家知其少且慧欲娶爲子婦麥氏嚴拒之歸母家就養終其身

監生謝璵妻張氏年二十八夫卒守節事姑循謹撫孤成立曾顯昌妻馬氏年二十八夫卒守節其姑早逝事翁孝養倍至

廩貢生黎象明妾盧氏年二十八夫卒夫長妾許氏性狠毒逼嫁登車盧誓死不從長跪許前受許杖執役如僕婦皆安之盧子聰既長析以薄田亦不較子諸生年三十卒盧曰天亡我也一慟幾絕癯癯相守歿年七十一

諸生黎聰妻全氏年二十九夫卒奉事孀姑克盡孝道喪葬
婚嫁經理皆如儀族惡凌逼無狀悉善遺之諸子俱先卒撫
育幼孫勤劬備至壽八十九見元孫建三

黎兆泰妻徐氏年二十一夫卒欲自決姑申以大義而止長
齋茹素一屏鉛華斗室經年人罕見其面嗣子庶瑛爲諸生
黎兆炳繼室楊氏年二十三夫卒毀容不飾冰霜之節四十
年不渝撫姪庶淑爲嗣鞠育篤至視前室女如己出子爲諸
生

韋某妻梁氏年二十夫卒時姑老子幼梁織紵操作以養以
育五十年勵節不渝子濬功太學生

梁建幹妻黎氏歲貢達鎮女年二十九夫卒守節撫孤曉暢

大義綜理家政纖悉無遺憾家遂裕置祀田爲合族祀典恤
隣里助婚嫁喪葬不稍吝人咸稱巾幗中丈夫子基與孫之
瑰同榜登賢書次孫之琦曾孫熙祚元孫汝霖均領鄉薦之
瑰官內閣中書氏封孺人晉封安人歿年九十三曾元繞膝
五世同堂

魏學友妻李氏年二十二夫卒守節家貧善事孀姑生養死
葬經營備至苦節歷四十六載而終嗣子浩川爲諸生

劉偉揚妻廖氏年二十夫卒家貧勤女紅養霜姑侍奉不倦
艱難守志苦節歷四十三載而終撫姪懷瑜爲嗣

廩生袁緯績妻陸氏年二十三夫卒無子撫遠房姪爲嗣家
貧守節藉針黹度日苦節歷三十七載而終

袁緯紳妻趙氏年二十夫卒無子撫姪瓚爲嗣食貧守節矢

志完貞年八十終

李贊妻董氏年二十二夫卒矢志撫孤守節五十七歲

諸生陳鵬妻劉氏年二十二夫卒撫孤子樹楠苦守歷二十

二載樹楠卒媳張氏年二十四姑媳熒熒相守劉善事姑張

事劉亦如之一門雙節里黨稱之楠子馨太學生

張銑妻黃氏年十八夫卒守節事翁姑遵夫遺囑撫姪守齒

爲嗣爲諸生

鍾鎰妻盧氏年二十二夫卒甘貧守節子友仁未冠而夭撫

姪友鳳爲嗣鞠育訓誨勉行善事嘗捐貲造橋梁歿年九十

有三

貢生許汝榮妻韋氏夫卒守節乾隆四十一年建坊表之
袁緯統妻黎氏夫卒守節事親克孝乾隆四十四年建坊祀
節孝祠

麥茂妻羅氏夫卒守節乾隆四十五年建坊祀節孝祠

羅聲揚妻陳氏夫卒守節乾隆四十五年建坊祀節孝祠

廖寵琳妻謝氏年十九于歸匝月夫病逾年卒守節歷七十
七年而終勤修婦道事壻盡禮撫姪就職千總煥爲嗣嘉慶
二十四年建坊祀節孝祠

諸生袁緯紋府志論
姓童妻甘氏年十七夫卒守節歷五十四年

孝義兼全始終如一撫姪歲貢生瑤爲嗣道光元年建坊表
之

諸生胡朝璜妻粟氏訓導濟周女年二十九夫卒守節孝事
舅姑和睦妯娌撫孤子浚之成立道光十三年建坊表之
盧觀宗妻黃氏素勤女紅隣惡豔其色窺氏獨居入室調笑
欲淫之黃不從哭罵聲嘶惡懼人聞勒斃之獄成遣於表場
道光十三年知縣張顯相檢閱舊案詳請

旌表建貞烈坊

全興悅妻李氏年十八夫卒守節孝事舅姑撫姪成明爲嗣
就職州同道光十四年詳請

旌表

甘元鼎妻胡氏進士胡朝瑞之姊年十九于歸閱八月夫卒
是時夫弟皆未婚議以遠房子爲繼胡不可年四十始撫姪

秉萃爲嗣明年胡卒道光十四年詳請旌表

太學生甘怡之繼妻陳氏年二十四夫卒前室袁氏有女三人皆幼鞠育如己生撫子報德爲諸生道光十四年詳請旌表

旌表

諸生彭廷柱妻胡氏進士朝瑞之姊年二十二夫卒於梧江明年姑莫氏死胡經理家政克盡婦職守節歷三十五年而終撫姪吳爲嗣有文名早故

梁業興妻胡氏年二十四生子甫彌月夫卒守節食貧力撫孤子之藩爲太學生

廩生袁琅妻劉氏進士揮亨女年二十二夫卒守節撫子昭宜舉於鄉尋卒媳王氏年二十八守志孫棄諸生早故一門

苦節鄉里稱之

諸生袁玳妻甘氏年二十四夫卒守節撫姪昭馨爲嗣爲諸生先甘氏卒

黎旭白妻林氏年二十四夫卒守節撫姪克仁爲嗣先林氏卒

諸生歐陽大本妻林氏年二十四夫卒守節撫姪克見爲嗣諸生袁濟錦妻徐氏年二十二夫卒子殤撫夫兄濟衮子允基爲嗣早死復撫姪允脩子爲孫初家富擬分爨徐不可後中落無怨言卒年九十七

甘天叙妻陳氏年十五于歸夫有痼疾十六而寡其父母有他志陳不可強之曰其以我爲死矣嗣後絕迹不回外家寡

言笑與婢媼同操作不倦五十外始撫姪元建爲嗣比及娶媳陳年已七十未幾卒

曾成立妻林氏年二十九夫卒守節家貧力作養姑深得堂上心有士人知氏賢欲娶爲室父及兄弟將允之林矢志不渝撫姪作欣爲嗣未幾子天子然一身紡績度日苦節歷四十年

陸順天妻梁氏舉人基之姊年二十九夫卒守節撫子陸章陸莊俱歲貢生學臣祁墳旌其門

諸生麥爾臧繼妻石氏年二十四夫卒遺孤雲龍甫週歲家貧藉針黹撫子度日苦安五十二歲而終

楊孔理妻黃氏年二十四夫卒無子善事翁姑撫姪聯璧爲

平南縣志 卷三
嗣先黃氏卒遺孫熙柏苦節歷五十七年

楊孔芳妻李氏年二十二夫卒遺孤趙璧中歲先卒撫元成立苦節歷四十八年

甘裕政妻黃氏年二十九夫卒守節嘉慶三年孫理歲貢生牒報有司表其閭

太學生甘溫妻王氏年二十三夫卒守節備極艱苦撫姪業德爲嗣年五十九卒以子貴封孀人

甘雯妻陳氏年十六夫卒守節撫姪附德爲嗣年九十三卒有司旌其門

武生玉瓊理妻韋氏年二十四夫卒撫姪中來爲嗣早故育孫啓幹家貧守節年逾八十而終